

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 34/03), člana 46. Zakona o pravobranilaštvu ("Službene novine Kantona Sarajevo", broj 33/08, 7/12), člana 13. Odluke o pravobranilaštvu Općine Stari Grad Sarajevo ("Službene novine Kantona Sarajevo", broj 20/13), Odluke o standardima i kriterijima za imenovanje pravobranioca Općine Stari Grad Sarajevo ("Službene novine Kantona Sarajevo", broj 21/03), kao i Odluke Općinskog vijeća Stari Grad Sarajevo ("Službene novine Kantona Sarajevo", broj: 6/16), Načelnik Općine Stari Grad Sarajevo, objavljuje

**PONOVNI
JAVNI OGLAS
za imenovanje Pravobranioca Općine Stari Grad Sarajevo**

Pravobranilac Općine Stari Grad Sarajevo.....1 izvršilac

- imenovanje se vrši na period od 4 (četiri) godine, sa mogućnošću ponovnog imenovanja

Opis poslova:

Pravobranilac predstavlja Pravobranilaštvo, rukovodi njegovim radom, obavlja poslove utvrđene Zakonom o pravobranilaštvu, Pravilnikom o organizaciji i radu Pravobranilaštva i poslove utvrđene aktima Općine, i to:

poduzima pravne radnje radi pravne zaštite imovine i imovinskih interesa Općine pred sudovima i drugim organima, kao i u drugim slučajevima zaštite imovine i imovinskih interesa Općine kada je za to ovlašten Zakonom, u kojim slučajevima Pravobranilaštvo ima položaj stranke u postupku u svim sudskim i upravnim postupcima; daje pravna mišljenja u postupku donošenja općih akata kojima se utvrđuju imovinsko-pravni odnosi, prava i obaveze prema stvarima i vlasništvu Općine; daje pravna mišljenja prije zaključenja imovinsko-pravnih ugovora; vrši kontrolu zaključenih ugovora o otkupu stanova; daje mišljenja Općinskom vijeću u postupku dodjele gradskog građevinskog zemljišta; obavlja i druge poslove i zadatke iz nadležnosti Pravobranilaštva utvrđene zakonskim i drugim propisima.

Kandidati za imenovanje na poziciju Općinskog pravobranioca trebaju ispunjavati sljedeće uslove

Opći uslovi:

- da je državljanin Bosne i Hercegovine
- da je stariji od 18 godina
- da u posljednje tri godine od dana objavljivanja Javnog oglasa nije otpušten iz organa državne službe kao rezultat disciplinske mjere na bilo kojem nivou vlasti u Bosni i Hercegovini
- da nije obuhvaćen odredbom člana IX. I. Ustava Bosne i Hercegovine.

Posebni uslovi:

- završen Pravni fakultet
- položen pravosudni ispit

- posjedovanje najviših moralnih osobina za obavljanje poslova Pravobranilaštva
- najmanje 3 godine radnog iskustva na imovinsko-pravnim poslovima u Pravobranilaštvu, pravosudnim organima i drugim državnim organima, preduzećima i drugim pravnim licima.

Prilikom ocjene kvalifikacije i iskustva uzet će se u obzir i sljedeće:

- stepen obrazovanja kandidata
- posjedovanje posebnih specijalističkih znanja
- iskustvo u više pravnih oblasti
- sposobnost kreativnog doprinosa u izradi općinske pravne regulative
- rezultati ostvareni tokom karijere
- pismene preporuke ranijih neposrednih rukovodilaca

Kandidati su dužni uz prijavu koja sadrži biografiju, adresu i kontakt telefon, priložiti sljedeću dokumentaciju (original ili ovjerenu kopiju):

- diplomu o završenom Pravnom fakultetu (original ili ovjerenu kopiju)
- uvjerenje o položenom pravosudnom ispitu (original ili ovjerenu kopiju)
- uvjerenje o radnom iskustvu (original ili ovjerenu kopiju – ne starije od šest mjeseci)
- dokaz o poznavanju rada na računaru (original ili ovjerenu kopiju)
- uvjerenje o državljanstvu (ne starije od šest mjeseci)
- izvod iz matične knjige rođenih
- uvjerenje da se protiv kandidata ne vodi krivični postupak (ne starije od šest mjeseci)
- ovjerenu izjavu da kandidat nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije dana objavljivanja upražnjene pozicije
- ovjerenu izjavu da kandidat nije obuhvaćen članom IX.1. Ustava Bosne i Hercegovine

Imenovani kandidat će biti obavezan dostaviti i ljekarsko uvjerenje o zdravstvenoj sposobnosti prije preuzimanja dužnosti Općinskog pravobranioca.

Prijave s traženom dokumentacijom dostavljaju se poštom preporučeno u zatvorenoj koverti na adresu:

Općina Stari Grad Sarajevo, ulica Zelenih beretki broj 4. sa naznakom “Javni oglas za imenovanje Pravobranioca Općine Stari Grad Sarajevo” u roku od 15 dana od dana posljednje objave Oglasa.

Konkurs će se objaviti u “Službenim novinama Federacije BiH”, dnevnim listovima “Dnevni avaz” i “Oslobođenje”, i na web stranici Općine Stari Grad Sarajevo (www.starigrad.ba).

Nepotpune i neblagovremene prijave neće se razmatrati.

OPĆINSKI NAČELNIK
mr. Ibrahim Hadžibajrić

Broj: 01-05-4-222/16
Sarajevo, 24.02.2016. godine